

SAKSPAPIR

Saksnr	Utval	Type	Dato
076/22	Plan- og kommunalteknisk utval	PS	29.06.2022

Saksbehandlar	ArkivsakID
Hege Eeg	22/911

Forvaltningsplan for hjort for Osterøy kommune 2022-2025

Vedlegg:

Innspel til Mål og retningslinjer for hjorteforvaltninga
Innspel til Mål og retningslinjer for hjorteforvaltninga på Osterøy
Høyringsuttale - Forvaltningsplan hjort 2022-2025
forvaltningsplan hjort 2022
Høyringsinnspel til forvaltningsplan for hjort Osterøy kommune 2022-2025
Bergen kommune sin høringsuttalelse til: Forvaltningsplan for hjort for Osterøy kommune 2022 - 2025 -
Høyring- Forvaltningsplan _for hjort for Osterøy kommune
Tilsvar/høyring hjortebestand
Innspel forvaltningsplan - Mjeldalen Hjortevald
innspel - høyring hjorteviltplan
Mål og retningslinjer for Hjorteforvaltninga i Osterøy kommune_revidert
Hjortevilt - Søknad om utsatt frist for godkjenning og endring
Rådmannen sitt framlegg til vedtak:

Forvaltningsplan for hjort 2022-2025 vert vedteken.

Plan- og kommunalteknisk utval - 076/22

PL - behandling:

Utvalsleiaren gjorde slikt tilleggsframlegg:
Det vert lagt til ein ekstra setning på vedtak 032/22 under punkt 2.3.1: "Endringa i dette punkt gjeld frå 01.01.2023", slik at det vert ståande slik:
"2.3.1 etter første punktum øverst på side 7: Legg til følgande tekst: Kommunen godkjenner all dyrka mark som teljande areal. Skoggrensa vert sett til 600 MOH, og areal under denne høgda skal gjelde som teljande areal. Vatn og tjørner over med areal over 500m2 vert trekte ut som teljande areal. Areal nytta til sentrumsføremål, opparbeidd til industri eller som openbert ikkje er ein del av arten sitt naturlege habitat vert og å trekkje ut. **Endringa i dette punkt gjeld frå 01.01.2023**"

AVRØYSTING:

Rådmannen sitt framlegg, med dei endringane som vert vedteke 20.04.2022 jf. 032/22, vart samrøystes vedteke.
Utvalsleiaren sitt tilleggsframlegg vert samrøystes vedteke.

PL - vedtak:

Forvaltningsplan for hjort 2022-2025 vert vedteken med dei endringane som vert vedteke 20.04.2022 jf. 032/22, i tillegg til følgjande endring:

Det vert lagt til ein ekstra setning på vedtak 032/22 under punkt 2.3.1: "Endringa i dette punkt gjeld frå 01.01.2023", slik at det vert ståande slik:

"2.3.1 etter første punktum øverst på side 7: Legg til følgjande tekst: Kommunen godkjenner all dyrka mark som teljande areal. Skoggrensa vert sett til 600 MOH, og areal under denne høgda skal gjelde som teljande areal. Vatn og tjørner over med areal over 500m² vert trekte ut som teljande areal. Areal nytta til sentrumsføremål, opparbeidd til industri eller som openbert ikkje er ein del av arten sitt naturlege habitat vert og å trekkje ut. Endringa i dette punkt gjeld frå 01.01.2023"

Saksopplysningar:

Saksopplysningar:

Bakgrunn

Forslag til plan var oppe i plan- og kommunalteknisk utval 20.4.22 saknr 032/22. Forslaget blei sendt på høyring og kommunen mottok 7 høyringsuttaler. Desse er vedlagt.

Grunna sjukmelding har det ikkje vore mogleg å gjere så grundig arbeid som ein burde. Innspele frå plan- og kommunalteknisk utval er vurderte og tekne inn så langt det er mogleg. Korrekturlesinga har grunna tidsnød ikkje vore så omfattande.

Oppsummerte uttaler i tabell nedanfor:

AVSENDAR	VALD	INNSPEL
Arne Hartveit	Hartveit/Vedå	*Setje lågt minsteareal over heile Osterøy *For stor hjortestamme, redusere stamme kraftig. Ønska hjortestamme 1 overvintrande hjort pr. 1 kvadratkilometer.
Tonje Teigland	Audestad/Teigland	* Teljande areal. Meiner "skrin fastmark" bør takast med. Sjå uttalen. * For mykje fokus på gamle dagar når det gjeld felling av bukk. For låg fellingsprosent. Kronhjorten må sparast på, men 2,5-3,5 åringar toler meir avskyting. 15-20 % tildelingar.
Vestland fylkeskommune		*Viser til beiteskadeproblematikken. Kommunen bør argumentere for berre eitt bestandsplanområde, som dekkjer heile øya. * Merknadar til fleire punkt.
Bergen kommune		BK meiner at planen baserer seg på eit godt

		kunnskapsgrunnlag. Støtter føreslåtte mål og tiltak. Har nokre merknadar til utviklinga og samarbeid.
Jon Daltveit	Haugegrend og Rongved	*Kommunen sitt nye vedtak om areal pr. løyve må med i plan *Dyrka mark må vere med i arealgrunnlaget då dette er hjorten sitt viktigaste leveområde.
Oddvin Vevle		Hjorteskadar er betydelege. Felling i området kunne ha vore auka med 100 %
Johannes Mjelde	Mjeldalen	*Hjortestamma er ute av kontroll. Bør gjevast langt fleire løyve for å ta ut veksten. Må redusera stamma betrakteleg *Teljande areal i Mjeldalen bør reduserast til 70 slik at uttak av dyr aukast til 70 for den neste forvaltningsperioden.

Vurdering

Rådmannen si vurdering av innspel:

1. Innspel frå fylkeskommunen

- Kommunen bør argumentere for eitt bestandplanområde som dekkjer heile øya. Dette er fornuftig og bør vere ein mål for perioden.
- Innmarksareal som teljande areal. Rådmannen vurderer at dette er fornuftig og at det er naturleg å ha dette med sidan ein god del av hjortane beiter på innmark og vert felt der.
- Minsteareal. Det bør vere færre soner. Forslag om å slå saman Mjeldalen og Rolland og omland. Rådmannen vurderer at det ikkje endrast sidan den nye forskrifta nettopp er vedteken.
- For lite konkrete mål og tiltak. Dette er eit godt innspel, men kommunen har ikkje ressursar til å gå nærare inn i problemstillinga no.
- Sett hjort. Fylkeskommunen meiner at alle jaktfelt må sende inn desse. Det er i tråd med planen.
- Vedlegg 6. Fylkeskommunen meiner at det er for detaljstyrt at berre avvik på 5 % kan godtakast og krav om revidering av bestandsplan ved fellingsprosent under 80. Rådmannen er einig i dette og har endra til 10 %. I staden for at planen skal reviderast ved fellingsprosent under 80, er det teke inn at kommunen «kan» krevje revidering.

2. Auke i fellingsprosent og endring av minsteareal. Dette er gjort gjennom ny forskrift og

denne planen.

3. Innspel om teljande areal

- Innspel om at skrin fastmark bør vere med i teljande areal. Rådmannen vurderer at dette ikkje vert teken til følgje. Dette har vore vurdert tidlegare.

Konklusjon

Rådmannen tilrår å godkjenne planen slik den ligg føre slik at fellingsløyve kan tildelast i tide før jakta. Kommunen kan revidere planen seinare t.d. før jaktseasonen i 2023.